

Cuntas Leithreasa 2021

Vóta 18

An Oifig Náisiúnta um Sheirbhísí Comhroinnte

Réamhrá

Mar Oifigeach Cuntasaíochta do Vóta 18, ceanglaítear orm an cuntas leithreasa don Vóta a ullmhú gach bliain, agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2021 ar thuarastail agus costais na hOifige Náisiúnta um Sheirbhísí Comhroinnte.

Cuirtear an toradh caiteachais i gcomparáid leis na suimeanna

- (a) arna ndeonú ag Dáil Éireann faoin Acht Leithreasa, 2021, lena n-áirítear an tsuim a d'fhéadfaí a úsáid mar leithreasai-i-gcabhair ar mhaithe le caiteachas don bhliain, agus
- (b) arna soláthar ar mhaithe le seirbhísí caipitil a sholáthar in 2021, as leithreasai neamhchaite a bhain le 2020, faoi na socruithe géillte iarchurtha a bunaíodh le halt 91 den Acht Airgeadais 2004.

Dlítear farasbarr €4.366 milliún a ghéilleadh don Státchiste.

Le linn na tréimhse cuntasaíochta dar chríoch an 31 Nollaig 2021, d'oibrigh an Oifig Náisiúnta um Sheirbhísí Comhroinnte mar oifig státseirbhíse ar leith faoi scáth na Roinne Caiteachais Phoiblí agus Athchóirithe.

Is cuid den chuntas seo an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gclár 1 agus 9 de 2022, chun feidhme agus an cuntas á ullmhú, seachas i gcás an mhéid seo a leanas:

Bunús leis an táille ar sheirbhísí

Gearrann an Oifig Náisiúnta um Sheirbhísí Comhroinnte táille sheirbhíse i leith a seirbhísí acmhainní daonna agus riarachán pinsean. Tá cuid de na costais oibriúcháin do 2021 dáilte ag an táille ar sheirbhísí comhroinnte acmhainní daonna ar bhonn pro rata i measc gach comhlachta earnála poiblí ar freastalaíodh orthu (bunaithe ar líon na bhfostaithe atá acu). Iompraíonn an Oifig Náisiúnta um Sheirbhísí Comhroinnte an fuilleach.

Dímheas

Ríomhann an Oifig Náisiúnta um Sheirbhísí Comhroinnte dímheas ar bhonn bliantúil.

Ráiteas faoi Rialú Inmheánach Airgeadais

Freagracht as córas rialaithe inmheánaigh airgeadais

Mar Oifigeach Cuntasaíochta, admhaím an fhreagracht atá orm as a chinntiú go ndéanann an Oifig Náisiúnta um Sheirbhísí Comhroinnte córas éifeachtach rialaithe inmheánaigh airgeadais a chothabháil agus a oibriú.

Feidhmítear an fhreagracht sin i gcomhthéacs na n-acmhainní atá ar fáil dom féin agus na n-oibleagáidí eile atá orm mar Oifigeach Cuntasáíochta. Chomh maith leis sin, ní féidir le haon chóras rialaithe inmheánaigh airgeadais ach dearbhú réasúnach agus ní dearbhú iomlán a sholáthar go ndéantar sócmhainní a chosaint, go ndéantar idirbhearta a údarú agus a thaifeadadh i gceart, agus go gcuirtear cosc ar earráidí nó neamhrialtachtaí ábhartha nó go mbraithfí iad ar bhealach tráthúil. Is próiseas leanúnach é córas rialaithe inmheánaigh airgeadais a choinneáil agus coinnítear athbhreithniú leanúnach ar an gcóras agus ar a éifeachtacht.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm ina bhfuil na gnéithe a leanas.

- Sannadh freagrachtaí airgeadais ar leibhéal bainistíochta agus sannadh an chuntasacht chomhfhreagrach.
- Bunaíodh socruithe tuairiscithe ar gach leibhéal ar an sannadh freagracht as bainistíocht airgeadais.
- Bunaíodh nósanna imeachta foirmiúla chun laigí suntasacha rialaithe a thuairisciú agus gníomhaíocht cheartaitheach chuí a chinntiú.
- Tá Coiste Iniúcháireachta agus Riosca neamhspleách ann chun comhairle a chur orm maidir le mo chuid freagrachtaí as an gcóras rialaithe inmheánaigh airgeadais a chomhlíonadh.
- Rinneadh nósanna imeachta a thaifeadadh le haghaidh gach príomhphróisis gnó.
- Tá córais i bhfeidhm chun na sócmhainní a chosaint.
- Tá an ráiteas faoi rialú inmheánach airgeadais don Roinn Airgeadais ábhartha freisin ós rud é go soláthraíonn an Roinn Airgeadais seirbhísí idirbheart airgeadais ar bhonn comhroinnte do Vóta 18.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta bainistíochta i bhfeidhm, lena n-áirítear leithscaradh dualgas agus córas tarmiligin agus cuntasachta, agus go háirithe,

- go bhfuil córas cuí buiséadta ann ag a bhfuil buiséad bliantúil ar a ndéanann an lucht ardbhainistíochta athbhreithniú leanúnach
- go ndéanann an lucht ardbhainistíochta athbhreithnithe rialta ar thuarascálacha tréimhsiúla agus bliantúla airgeadais lena léirítear feidhmíocht airgeadais i gcomparáid leis na réamhaisnéisí
- go n-oibrítear córas bainistíochta riosca laistigh den Oifig Náisiúnta um Sheirbhísí Comhroinnte
- go bhfuil córais ann atá dírithe ar shlándáil na gcóras TFC a chinntiú
- Go bhfuil treoirlínte rialaithe infheistíochta caipitil agus disciplíní foirmiúla bainistíochta tionscadail ann.

Iniúcháireacht inmheánach agus an Coiste Iniúcháireachta agus Riosca

Deimhním go bhfuil feidhm iniúcháireachta inmheánaí ag an Oifig Náisiúnta um Sheirbhísí Comhroinnte le pearsana a bhfuil an oiliúint chuí faighte acu. Oibríonn aonad iniúcháireachta inmheánaí na hOifige Náisiúnta um Sheirbhísí Comhroinnte de réir cairt scríofa atá ceadaithe agam féin. Cuireann anailís ar na rioscaí airgeadais atá os comhair na hOifige Náisiúnta um Sheirbhísí Comhroinnte bonn eolais faoi obair na feidhme agus bunaítear na pleananna bliantúla maidir le hiniúcháireacht inmheánach, arna gceadú agamsa, ar an

anailís sin. Tá sé d'aidhm ag na pleananna sin na príomhrialuithe a chlúdach ar bhonn rollach thar thréimhse réasúnach. I gcomhar leis an gCoiste Iniúcháireachta agus Riosca, déanaim athbhreithniú tréimhsiúil ar an bhfeidhm iniúcháireachta inmheánaí. Chuir mé nósanna imeachta i bhfeidhm lena cinntiú go ndéantar gníomhaíocht leantach de bhun thuarascálacha na feidhme iniúcháireachta inmheánaí.

Neamhchomhlíonadh rialacha soláthair

Deimhním go gcinntíonn an Oifig Náisiúnta um Sheirbhísí Comhroinnte go bhfuil fócas cuí ann ar dhea-chleachtas maidir le ceannach agus go bhfuil nósanna imeachta i bhfeidhm chun a chinntiú go gcomhlíontar na treoirlínte ábhartha go léir agus, in 2021, chomhlíon an Oifig Náisiúnta um Sheirbhísí Comhroinnte treoirlínte soláthair.

Tá mionsonraí curtha ar fáil ag an Oifig Náisiúnta um Sheirbhísí Comhroinnte faoi dhá chonradh neamhiomaíocha sa tuairisceán bliantúil maidir le ciorclán 40/2002 don Ard-Reachtaire Cuntas agus Ciste agus don Roinn Caiteachais Phoiblí agus Athchóirithe.

Creat riosca agus rialaithe

Tá córas bainistíochta riosca curtha i bhfeidhm ag an Oifig Náisiúnta um Sheirbhísí Comhroinnte lena ndéantar sainaithint agus tuairisciú ar phríomhrioscaí agus na gníomhartha bainistíochta atá á ndéanamh chun aghaidh a thabhairt orthu agus, a mhéid is féidir, chun na rioscaí sin a mhaolú.

Tá clár rioscaí i bhfeidhm lena sainaithnítear na príomhrioscaí atá os comhair na hOifige Náisiúnta um Sheirbhísí Comhroinnte agus rinneadh iad sin a mheas agus a ghrádú de réir a dtábhachta. Déanann an Bord Bainistíochta an clár a athbhreithniú agus a nuashonrú ar bhonn ráithiúil. Úsáidtear toradh na measúnuithe sin chun acmhainní a phleanáil agus a leithdháileadh lena chinntiú go mbainistítear rioscaí de réir leibhéal inghlactha.

Mionsonraítear leis an gclár rioscaí na rialuithe agus na bearta a theastaíonn chun rioscaí a mhaolú agus an fhreagracht as oibriú rialuithe a shanntar do bhaill foirne shonracha.

Monatóireacht agus athbhreithniú leanúnach

Bunaíodh nósanna imeachta foirmiúla chun monatóireacht a dhéanamh ar phróisis rialaithe agus ar easnaimh rialaithe. Cuirtear iad sin in iúl dóibh siúd atá freagrach as gníomhaíocht cheartaitheach a dhéanamh, don lucht bainistíochta agus don Bhord Bainistíochta, nuair is ábhartha, ar bhealach tráthúil. Deimhním gur sainaithníodh príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus chun aon easnaimh shainaitheanta a thuairisciú.

Athbhreithniú ar éifeachtacht

Deimhním go bhfuil nósanna imeachta ag an Oifig Náisiúnta um Sheirbhísí Comhroinnte chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Tá monatóireacht agus athbhreithniú na hOifige Náisiúnta um Sheirbhísí Comhroinnte ar éifeachtacht an chórais rialaithe airgeadais inmheánaigh bunaithe ar obair na n-iniúcháirí inmheánacha agus seachtracha agus ar na bainisteoirí sinsearach laistigh den Oifig Náisiúnta um Sheirbhísí Comhroinnte atá freagrach as an gcreat rialaithe inmheánaigh airgeadais a fhorbairt agus a chothabháil.

Tuarascálacha dearbhaithe ar rialuithe ag eagraíocht seirbhíse

Chuir mé próiseas iniúcháireachta i bhfeidhm chun dearbhú neamhspleách a sholáthar maidir le hoibríú rialuithe a bhaineann le soláthar seirbhísí ag an Oifig Náisiúnta um Sheirbhísí Comhroinnte. Déanann iniúcháirí neamhspleácha na hiniúchtaí de réir na gCaighdeán Idirnáisiúnta um Rannpháirtíocht Dearbhaithe (ISAE 3402) *Tuarascálacha Dearbhaithe ar Rialuithe ag Eagraíocht Seirbhíse*.

Bhain Seirbhísí Acmhainní Daonna agus Párolla deimhniú ISAE de Chineál II amach in 2022, bunaithe ar thástáil a rinneadh in 2021. Tugann sé sin an dearbhú dom gur baineadh amach na cuspóirí rialaithe agus gur oibríodh go héifeachtach iad i rith na tréimhse atá faoi athbhreithniú.

Ró-íocaíochtaí

Rinneadh ró-íocaíochtaí le foireann cliant, a raibh an bhunchúis inchurtha leis an Oifig Náisiúnta um Sheirbhísí Comhroinnte ina leith, i 520 cás (2020: 733 chás) dar luach measta €599,337 (2020: €1,064,965). Is ionann é sin agus 17% (2020: 25%) de luach airgeadais na ró-íocaíochtaí go léir agus 15% (2020: 20%) de mhéid na gcásanna ró-íocaíochta go léir.

Leanann an Oifig Náisiúnta um Sheirbhísí Comhroinnte ag tabhairt aghaidh ar na ró-íocaíochtaí is inchurtha i leith na hOifige Náisiúnta um Sheirbhísí Comhroinnte trí fheabhsú agus uathoibriú próisis agus trí thuairisciú agus monatóireacht níos fear ó cheann ceann.

Saincheisteanna rialaithe inmheánaigh airgeadais

Níor sainaithníodh aon laigí i rialú inmheánach maidir leis an mbliain 2021 is gá a nochtadh sa chuntas leithreasa.

Déanann an Oifig Náisiúnta um Sheirbhísí Comhroinnte athbhreithniú agus cur chun feidhme leanúnach ar mholtaí ón Ard-Reachtair Cuntas agus Ciste agus ón bhfeidhm Iniúcháireachta Inmheánaí chun an timpeallacht rialaithe a neartú, go háirithe maidir leo seo: ró-íocaíochtaí párolla; teicneolaíocht faisnéise; calaois agus leochaileacht; taisteal agus cothú; agus aoisliúntas agus pinsin.

Saincheisteanna rialaithe Covid-19

Mar thoradh ar theacht phaindéim Covid-19, rinneadh roinnt athruithe ar an timpeallacht oibre agus rialaithe, agus formhór na mball foirne san Oifig Náisiúnta um Sheirbhísí Comhroinnte ag aistriú chuig an gcianobair, ar aon dul leis an gcomhairle sláinte poiblí. Lean athruithe ar rialuithe nós imeachta agus inmheánacha lena chinntiú gur lean siad ar aghaidh ag feidhmiú go héifeachtach i dtimpeallacht cianoibre, ar rialuithe iad ar glacadh leo go luath in 2020 tar éis athbhreithniú aonuaire ar thionchar Covid-19, de bheith i bhfeidhm do 2021.

Faoi chreat riosca agus rialaithe na hOifige Náisiúnta um Sheirbhísí Comhroinnte, leanadh le measúnuithe riosca rialta, lena n-áirítear tionchar Covid-19 ar an timpeallacht rialaithe, le linn 2021, agus an t-eolas is deireanaí a thabhairt don Bhord Bainistíochta agus don Choiste Iniúcháireachta agus Riosca.

Deimhním go bhfuil na rialuithe, idir na rialuithe atá ann cheana féin agus na cinn a tugadh isteach mar thoradh ar Covid-19, éifeachtach fós.

Hilary Murphy-Fagan

Oifigeach Cuntasáíochta

An Oifig Náisiúnta um Sheirbhísí Comhroinnte

31 Márta 2022

Ard-Reachtair Cuntas agus Ciste

Tuarascáil le cur faoi bhráid Thithe an Oireachtais

Vóta 18 An Oifig Náisiúnta um Sheirbhísí Comhroinnte

Tuairim faoin gcuntas leithreasa

Tá iniúchadh déanta agam ar an gcuntas leithreasa do Vóta 18 Oifig Náisiúnta um Sheirbhísí Comhroinnte don bhliain dar chríoch 31 Nollaig 2021 faoi alt 3 d'Acht an Ard-Reachtair Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáltais agus an caiteachas a bhain le Vóta 18 Oifig Náisiúnta um Sheirbhísí Comhroinnte don bhliain dar chríoch 31 Nollaig 2021
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le hOifig Náisiúnta um Sheirbhísí Comhroinnte agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuarascáil ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtair Cuntas agus Ciste

19 Meán Fómhair 2022

Aguisín leis an tuarascáil

Freagrachtaí an Oifigh Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe agus ordacháin eile ón Aire Caiteachais Phoiblí agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíráiteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúcháireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúcháireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaitheint agus measúnú ar na rioscaí a bhaineann le míráiteas ábhartha sna ráitis airgeadais, bíodh calaois nó earráid mar chúis leis; ceapaim nósanna imeachta iniúcháireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúcháireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainithním le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúcháireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fóras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, tuairisciú i gcás go sainithním aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna deimhnithe tuairime ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 18 An Oifig Náisiúnta um Sheirbhísí Comhroinnte

Cuntas Leithreasa 2021

			2021	2020
	Soláthar meastacháin		Toradh	Toradh
	€000	€000	€000	€000
Caiteachas an chláir				
A	Feidhm na hOifige Náisiúnta um Sheirbhísí Comhroinnte			
	<i>Soláthar meastacháin</i>	35,805		
	<i>Géilleadh iarchurtha</i>	1,435		
			37,240	35,290
				24,841
B	Seirbhísí comhroinnte acmhainní daonna		10,211	9,602
				9,962
C	Seirbhísí comhroinnte párolla		12,334	12,821
				12,808
D	Seirbhísí comhroinnte airgeadais		3,475	1,381
				251
Ollchaiteachas				
	<i>Soláthar meastacháin</i>	61,825		
	<i>Géilleadh iarchurtha</i>	1,435		
			63,260	59,094
				47,862
	<i>Lúide</i>			
E	Leithreasaí-i-gcabhair		6,238	6,438
				5,911
Glanchaiteachas				
	<i>Soláthar meastacháin</i>	55,587		
	<i>Géilleadh iarchurtha</i>	1,435		
			57,022	52,656
				41,951

Farasbarr

Is ionann an farasbarr agus an tsuim a sholáthraítear os cionn na glansuime a caitheadh atá faoi dhliteanas lena géilleadh don Státhiste. Faoi Alt 91 den Acht Airgeadais 2004, féadfar gach cuid nó aon chuid d'aon leithreasaí neamhchaite le haghaidh seirbhísí soláthair caipitil a thabhairt ar aghaidh lena chaitheamh an bhliain dar gcionn. Níl aon leithdháileadh caipitil neamhchaite ann a tugadh ar aghaidh go dtí 2022.

	2021	2020
	€	€
Farasbarr	4,365,604	14,473,103
Géilleadh iarchurtha	—	(1,435,000)
Farasbarr le géilleadh	4,365,604	13,038,103

Hilary Murphy-Fagan

Oifigeach Cuntasaíochta

An Oifig Náisiúnta um Sheirbhísí Comhroinnte

31 Márta 2022

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2021

	2021	2020
	€000	€000
Costas an chláir	15,174	7,174
Pá	30,653	30,412
Neamhphá	13,267	10,276
Ollchaiteachas	59,094	47,862
<i>Lúide</i>		
Leithreasaí-i-gcabhair	6,438	5,911
Glanchaiteachas	52,656	41,951
Athruithe ar shócmhainní caipitil		
Ceannacháin airgid thirim	(6,548)	
Dímheas	805	(170)
Athruithe ar ghlansócmhainní reatha		
Laghdú ar fhabhruithe deiridh	(1,250)	
Méadú ar stoc	(3)	(325)
Caiteachas díreach	45,660	41,456
Caiteachas a tabhaíodh in áit eile		
Glanchaiteachas ar sheirbhísí gaolmhara (nóta 1.1)	(9,368)	(9,309)
Measchíosanna	1,758	670
Glanhostas an chláir	38,050	32,817

1.1 Glanchaiteachas ar sheirbhísí gaolmhara

Tá suim an ghlanchaiteachais ar sheirbhísí gaolmhara comhdhéanta de na suimeanna seo a leanas maidir le Vóta 18 a tabhaíodh in áit eile, agus costais a thabhaigh Vóta 18 maidir le Vótaí eile.

	2021	2020
	€000	€000
Vóta 7 Airgeadas	150	129
Vóta 9 Oifig na gCoimisinéirí Ioncaim	30	32
Vóta 13 Oifig na nOibreacha Poiblí	2,270	2,291
Vóta 43 Oifig Phríomh-Oifigeach Faisnéise an Rialtais	928	949
Costas cionroinnte na seirbhísí comhroinnte do Vótaí eile	(12,746)	(12,710)
Glanhostas na seirbhísí comhroinnte a sholáthraítear do Vótaí eile	(9,368)	(9,309)

Nóta 2 Ráiteas faoin Staid Airgeadais amhail an 31 Nollaig 2021

	Nóta	2021 €000	2020 €000
Sócmhainní caipitil	2.1	28,639	22,705
Sócmhainní reatha			
Banc agus airgead tirim	2.2	9,203	13,192
Stoic	2.3	29	26
Réamhíocaíochtaí	2.4	4,824	3,703
Iarmhéideanna dochair eile	2.5	601	872
Glanmhaoiniú ón Státchiste	2.9	1,460	—
Iomlán na sócmhainní reatha		16,117	17,793
Lúide dliteanais reatha			
Speansais fhabhraithe	2.6	884	822
Maoiniú cliant/ iarmhéideanna airleacan	2.7	9,645	10,155
Iarmhéideanna creidmheasa eile	2.8	1,619	1,564
Glanmhaoiniú ón Státchiste	2.9	—	2,345
Iomlán na ndlíteanas reatha		12,148	14,886
Glansócmhainní reatha		3,969	2,907
Glansócmhainní		32,608	25,612
Arna léiriú ag:			
Cuntas maoinithe stáit	2.10	32,608	25,612

2.1 Sócmhainní caipitil

	Bogearraí agus trealamh TF €000	Troscán agus feistis €000	Sócmhainní caipitil atá á bhforbairt €000	Iomlán €000
Ollsócmhainní				
Costas nó luacháil ag an 1 Eanáir 2021	24,542	31	21,414	45,987
Breiseanna	675	—	6,064	6,739
Costas nó luacháil ag an 31 Nollaig 2021	25,217	31	27,478	52,726
Dímheas carntha				
Iarmhéid tosaigh ag an 1 Eanáir 2021	23,258	24	—	23,282
Dímheas don bhliain	802	3	—	805
Dímheas carnach ag an 31 Nollaig 2021	24,060	27	—	24,087
Glansócmhainní ag an 31 Nollaig 2021	1,157	4	27,478	28,639
Glansócmhainní ag an 31 Nollaig 2020	1,284	7	21,414	22,705

2.2 Banc agus airgead tirim

ag an 31 Nollaig	2021 €000	2020 €000
Iarmhéideanna ag an bPámháistir Ginearálta agus airgead tirim	(439)	3,054
Iarmhéideanna bainc arna maoiniú ag cliaint	9,642	10,138
	9,203	13,192

2.3 Stoic

ag an 31 Nollaig	2021 €000	2020 €000
Stáiseanóireacht	22	25
Ábhair inchaite chur chun cinn	7	—
Ábhair inchaite TF	—	1
	29	26

2.4 Réamhíocaíochtaí

ag an 31 Nollaig	2021	2020
	€000	€000
Tacaíocht bogearraí/ceadúnais bogearraí	3,947	2,927
Cothabháil crua-earraí	723	681
Réamhíocaíochtaí eile	154	95
	4,824	3,703

2.5 Iarmhéideanna dochair eile

ag an 31 Nollaig	2021	2020
	€000	€000
Caiteachas ar an scéim pas taistil	57	60
Costais in-fhorchúitithe i leith an chórais bainistíochta acmhainní daonna	534	535
Míreanna dochair eile ar fionraí	10	277
	601	872

2.6 Speansais fhabhraithe

ag an 31 Nollaig	2021	2020
	€000	€000
Tionscadal an chórais bainistíochta acmhainní daonna	595	570
Áiseanna	92	87
Táillí bainc	75	89
Fabhruithe eile	122	76
	884	822

2.7 Maoiniú cliant/iarmhéideanna airleacan

Soláthraíonn an Oifig Náisiúnta um Sheirbhísí Comhroinnte feidhm seirbhísí comhroinnte párolla do roinnt ranna, oifigí agus gníomhaireachtaí Rialtais.

Is é atá sa tsuim €9.645 milliún a sealbhaíodh thar ceann cliant amhail an 31 Nollaig 2021 (2020: €10.155 milliún) ná €9.556 milliún (2020: €9.823 milliún) a thaisc cliaint faoi choinne maoiniú tuarastal le linn tréimhse na bliana nuaí a chlúdach agus €89,000 (2020: €332,000) a bhain le suimeanna atá dlite do dhaoine aonair agus d'eagraíochtaí tríú páirtí.

Phróiseáil an Oifig Náisiúnta um Sheirbhísí Comhroinnte íocaíochtaí olltuarastail agus taistil agus cothaithe arbh fhiú €5.9 billiún san iomlán iad in 2021 (2019: €5.6 billiún).

2.8 Iarmhéideanna creidmheasa eile

ag an 31 Nollaig	2021 €000	2020 €000
Suimeanna atá dlite don Stát		
Cáin ioncaim	340	311
Muirear sóisialach uilíoch	70	66
Árachas sóisialach pá-choibhneasa	332	308
Cáin shiarchoinneálach ar sheirbhísí gairmiúla	471	463
Cáin bhreisluacha	61	115
Ranníocaíochtaí pinsin	93	138
Oifig na nOibreacha Poiblí	95	33
Cáin mhaoine áitiúil	3	3
	1,465	1,437
Asbhaintí párolla á gcoinneáil ar fionraí	154	127
	1,619	1,564

2.9 Glanmhaoiniú ón Státchiste

ag an 31 Nollaig	2021 €000	2020 €000
Farasbarr le géilleadh	4,366	13,038
Géilleadh iarchurtha	—	1,435
Deontas státchiste nár tarraingíodh	(5,826)	(12,128)
Glanmhaoiniú ón Státchiste	(1,460)	2,345
Arna léiriú ag:		
Féichiúnaithe		
Banc agus airgead tirim	9,203	13,192
Iarmhéideanna dochair: fionraí	601	872
	9,804	14,064
Creidiúnaithe		
Dlite don Stát	(1,465)	(1,437)
Maoiniú cliant/iarmhéideanna airleacan	(9,645)	(10,155)
Iarmhéideanna creidmheasa: fionraí	(154)	(127)
	(11,264)	(11,719)
	(1,460)	2,345

2.10 Cuntas maoinithe Stáit

	Nóta	2021	2020
		€000	€000
larmhéid ag an 1 Eanáir		25,612	25,739
Eisíocaíochtaí ón Vóta			
Soláthar meastacháin	Cuntas	57,022	
Farasbarr le géilleadh	Cuntas	(4,366)	
Glanvóta		52,656	41,951
Caiteachas (airgead tirim) a tabhaíodh in áit eile	1.1	(9,368)	(9,309)
Mír neamhairgid – coigeartú sócmhainní caipitil ^a		—	(622)
Caiteachas neamhairgid – measchíos		1,758	670
Glanchostas an chláir	1	(38,050)	(32,817)
larmhéid ag an 31 Nollaig		32,608	25,612

Nóta ^a D'eascair an mhír neamhairgid – coigeartú sócmhainní caipitil in 2020 as ciorclán 21/2020 a chur chun feidhme i leith na tairsí le haghaidh sócmhainní caipitil a chur ar áireamh.

2.11 Ceangaltais**a) Ceangaltais dhomhanda**

ag an 31 Nollaig	2021 €000	2020 €000
Earraí agus seirbhísí a fháil	3,603	1,249
Tionscadail chaipitil	12,048	17,477
Iomlán na ngealltanais is in-fhorfheidhmithe le dlí	15,651	18,726

b) Mórtionscadail chaipitil

	Caiteachas carnach go dtí an 31 Nollaig 2020 €000	Caiteachas in 2021 €000	Ceangaltais tionscadail sna blianta ina dhiaidh sin €000	Caiteachas ionchasach iomlán an tionscadail 2021 €000	Caiteachas ionchasach iomlán an tionscadail 2020 €000
Tionscadal					
Seirbhísí Comhroinnte Bainistíochta Airgeadais	26,265	6,140	12,048	44,453	43,742
	26,265	6,140	12,048	44,453	43,742

Difríochtaí suntasacha

Tugtar míniú thíos i gcás gur tháinig difríocht níos mó ná €500,000 i gcomparáid le 2020 ar chostais réamh-mheasta tionscadail.

Seirbhísí Comhroinnte Bainistíochta Airgeadais (FMSS)

Méadú ar an gcaiteachas ionchasach iomlán: €711,000

Tagann an méadú ar chostais chaipitil ionchasacha chun cinn go príomha as riachtanais bhreise TF, lena n-áirítear seiceáil sláinte córais, tástáil treá, cúltacaí agus costais slándála.

2.12 Dlíteanais aibithe

ag an 31 Nollaig	2021 €000	2020 €000
Meastachán ar dhlíteanais aibithe nár urscaoileadh ag deireadh na bliana	84	81

Nóta 3 Caiteachas Vóta

Anailís ar chaiteachas riaracháin

Rinneadh an caiteachas riaracháin atá leagtha amach thíos a chionroinnt ar fud na gclár chun costais iomlána na gclár a chur i láthair.

		2021	2020
		Soláthar meastacháin	Toradh
		€000	€000
i	Tuarastail, pá agus liúntais	32,316	30,653
ii	Taisteal agus cothú	247	17
iii	Oiliúint agus forbairt agus speanais theagmhasacha	1,675	1,343
iv	Seirbhísí poist agus teileachumarsáide	662	716
v	Trealamh oifige agus seirbhísí TF seachtracha	9,544	10,692
vi	Costais áitribh oifige	780	499
		45,224	43,920
			40,688

Difríochtaí suntasacha

Tugtar breac-chuntas sa mhéid seo a leanas ar anailís ar chaiteachas riaracháin an Vóta agus tugtar breac-chuntas ann ar na cúiseanna le difríochtaí suntasacha (+/- 25% agus €100,000). Ar an iomlán, bhí caiteachas riaracháin €1.304 milliún níos lú ná mar a soláthraíodh ar dtús, ag eascairt go príomha as taisteal laghdaithe de bharr phaindéim Covid-19 agus as tús a chur le Seirbhísí Comhroinnte Airgeadais ag am níos déanaí ná mar a beartaíodh. Tugtar breac-chuntas sa mhéid seo a leanas ar na cúiseanna le difríochtaí suntasacha i gcaiteachas riaracháin.

ii Taisteal agus cothú

Soláthar meastacháin €247,000; toradh €17,000

Chuir paindéim leanúnach Covid-19 srian ar thaisteal idir áiteanna, mar gur reáchtáladh cruinnithe ar bhonn fíorúil.

vi Costais áitribh oifige

Soláthar meastacháin €780,000; toradh €499,000

Laghdaigh paindéim leanúnach Covid-19 costais reatha, agus níor tharla caiteachas ar oibreacha caipitil/feistiú oifige mar a bhí beartaithe.

Clár A Feidhm na hOifige Náisiúnta um Sheirbhísí Comhroinnte

		2021		2020
		Soláthar meastacháin	Toradh	Toradh
		€000	€000	€000
A.1	Riarachán – pá	9,116	9,022	8,528
A.2	Riarachán – neamhphá	10,088	11,094	9,139
A.3	Tionscadal Seirbhísí Comhroinnte Bainistíochta Airgeadais			
	<i>Soláthar meastacháin</i>	16,601		
	<i>Géilleadh iarchurtha</i>	1,435		
		18,036	15,174	7,174
		37,240	35,290	24,841

Difríochtaí suntasacha

Tugtar breac-chuntas sa mhéid seo a leanas ar na cúiseanna le difríochtaí suntasacha i gcaiteachas cláir (+/- 5% agus €100,000). Ar an iomlán, bhí an caiteachas maidir le Clár A €1.95 milliún níos ísle ná mar a soláthraíodh ar dtús (lena n-áirítear an géilleadh iarchurtha a tugadh ar aghaidh ó 2020).

A.2 Riarachán – neamhphá

Soláthar meastacháin €10.088 milliún; toradh €11.094 milliún

Tá an bhreis caiteachais ar leithdháileadh €1.006 milliún á tiomáint go príomha ag costais a bhaineann le huasghrádú na gcóras TF a thacaíonn leis na Seirbhísí Comhroinnte Acmhainní Daonna. Cé nár cuireadh é sin ar áireamh sa leithdháileadh athbhreithnithe do 2021, bhí an Oifig Náisiúnta um Sheirbhísí Comhroinnte in ann an caiteachas riachtanach a chlúdach laistigh dá leithdháileadh iomlán foriomlán don bhliain, trí choigilteas ar oibríochtaí reatha agus trí thearcchaitheamh ar Sheirbhísí Comhroinnte Bainistíochta Airgeadais.

A.3 Tionscadal Seirbhísí Comhroinnte Bainistíochta Airgeadais (FMSS)

Soláthar meastacháin €18.036 milliún; toradh €15.174 milliún

Cuireadh an amlíne chun FMSS a imscaradh agus tosach feidhme gaolmhar oibríochtaí Seirbhísí Comhroinnte Airgeadais siar ó dheireadh R4 2021 go tús R2 2022 agus, mar thoradh air sin, bhí caiteachas tionscadail in 2021 €2.862 milliún níos lú ná mar a bhí beartaithe, toisc go raibh focaíochtaí ailínithe le garspriocanna tionscadail.

Clár B Seirbhísí Comhroinnte Acmhainní Daonna

		2021	2020
		Toradh	Toradh
		€000	€000
B.1	Riarachán – pá	10,076	9,783
B.2	Riarachán – neamhphá	135	179
		10,211	9,962

Clár C Seirbhísí Comhroinnte Párolla

		2021	2020
		Toradh	Toradh
		€000	€000
C.1	Riarachán – pá	11,649	11,995
C.2	Riarachán – neamhphá	685	813
		12,334	12,808

Clár D Seirbhísí Comhroinnte Airgeadais

		2021	2020
		Toradh	Toradh
		€000	€000
		Soláthar meastacháin	
D.1	Riarachán – pá	1,475	106
D.2	Riarachán – neamhphá	2,000	145
		3,475	251

Difríochtaí suntasacha

Tugtar breac-chuntas sa mhéid seo a leanas ar na cúiseanna le difríochtaí suntasacha i gcaiteachas cláir (+/- 5% agus €100,000). Ar an iomlán, bhí an caiteachas i ndáil le Clár D €2.094 milliún níos ísle ná mar a soláthraíodh ar dtús mar gheall ar an amlíne shínte d'imscaradh an tionscadail FMSS agus mar gheall ar thosach feidhme gaolmhar oibríochtaí Seirbhísí Comhroinnte Airgeadais a bheith á leathnú ó dheireadh R4 2021 go tús R2 2022.

D.1 Riarachán – pá

Soláthar meastacháin: €1.475 milliún, toradh €218,000

Bhí tionchar ag an amlíne shínte do FMSS ar thús an chláir seo agus, dá bharr sin, b'ionann caiteachas pá in 2021 agus €1.257 milliún níos lú ná mar a bhí beartaithe.

D.2 Riarachán – neamhphá

Soláthar meastacháin: €2 mhilliún, toradh €1.163 milliún

Bhí tionchar ag an amlíne shínte do FMSS ar thús an chláir seo agus, dá bharr sin, b'ionann caiteachas neamhphá in 2021 agus €837,000 níos lú ná mar a bhí beartaithe.

Nóta 4 Fáltais

4.1 Leithreasaí-i-gcabhair

		2021		2020
		Measta	Réadaithe	Réadaith e
		€000	€000	€000
1	Tobhach seirbhísí comhroinnte acmhainní daonna	5,508	5,567	5,219
2	Ilghnéitheach	180	397	257
3	Fáltais ó asbhaintí a bhaineann le pinsean ar luach saothair seirbhíse poiblí	550	474	435
Iomlán		6,238	6,438	5,911

Difríochtaí suntasacha

Cuirtear i láthair sa mhéid seo a leanas na cúiseanna le difríochtaí suntasacha ar leithreasaí-i-gcabhair (+/- 5% agus €100,000). Ar an iomlán, bhí leithreasaí-i-gcabhair €200,000 níos airde ná mar a réamh-mheasadh.

2 Ilghnéitheach

Meastachán €180,000; réadaithe €397,000

I measc na bhfáltais ilghnéitheach tá deontas AE de €133,000 a fuarthas faoin gclár CEF Telecom/ríomhshonrasctha d'Oileáin, i dtaca le Seirbhísí Comhroinnte Bainistíochta Airgeadais.

Nóta 5 Soláthar Foirne agus Luach Saothair

5.1 Líon na bhfostaithe

Coibhéisí lánaimseartha	2021	2020
Líon na foirne ag deireadh na bliana	<u>731</u>	<u>807</u>

5.2 Pá

	2021	2020
	€000	€000
Pá ^a	29,445	29,105
Liúntais le haghaidh ard-dualgas, dualgais speisialta nó dualgais bhreise	39	30
Liúntais eile	31	28
Ragobair	418	342
ÁSPC an Fhostóra	<u>2,788</u>	<u>2,721</u>
Pá iomlán	<u>32,721</u>	<u>32,226</u>

Nóta ^a Dáiltear an figiúr pá iomlán ar fud fho-mhírchinn A.1, A.3, B.1, C.1 agus D.1.

5.3 Liúntais agus íocaíochtaí ragoibre

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is airde	
			2021	2020
			€	€
Liúntais le haghaidh ard-dualgas, dualgais speisialta nó dualgais bhreise	12	—	6,714	5,141
Liúntais eile ^a	4	1	23,744	27,644
Ragobair	304	2	12,471	7,582
Luach saothair breise i níos mó ná catagóir amháin	8	—	9,180	6,382

Nóta ^a I measc na liúntas eile tá ranníocaíochtaí pinsin fostóirí maidir le baill foirne atá ar iasacht don Oifig Náisiúnta um Sheirbhísí Comhroinnte.

5.4 Ró-íocaíochtaí párolla

ag an 31 Nollaig	Líon na bhfaighte oirí	2021 €000	2020 €000
Ró-íocaíochtaí	20	36	47
Pleananna aisghabhála i bhfeidhm	6	26	38

Aistríodh trí phlean téarnaimh ró-íocaíochta dar luach €3,727 chuig ranna eile le linn 2021 (2020: ochtar aonair lenar bhain pleananna dar luach €11,483).

5.5 Tuarastal an Oifigh Cuntasaíochta

Amhail an 31 Nollaig 2021, tá tuarastal an Oifigh Cuntasaíochta ag grád atá comhionann le grád an Leas-Rúnaí, áit arb ionann an t-olltuarastal bliantúil agus €176,416 (31 Nollaig 2020: €174,669).

Nóta 6 Ilghnéitheach

6.1 Géilleadh iarchurtha

	2021	2020
	€000	€000
Cur síos ar an bhfo-mhírcheann:		
A.3 Tionscadal Seirbhísí Comhroinnte	—	1,435
Bainistíochta Airgeadais		

6.2 Maoiniú ó AE

	2021	2020
	€000	€000
Cur síos ar an bhfo-mhírcheann:		
E.2 Ilghnéitheach	133	—

Áirítear leis an toradh a thaispeántar d'fho-mhírcheann E. Leithreasáí-i-gCabhair maoiniú ó AE a fuarthas faoin gclár CEF Telecom/ríomhshonrasctha d'Oileáin.

6.3 Díscríobhanna

	2021	2020
	€000	€000
Iarmhéideanna na gcuntas ar fionraí – glanmhíreanna oidhreachta	1	—